

*Sigle: Le*

*Aufbewahrungsort: Universiteit Leiden – Bibliotheken*

*Signatur: LTK 226*

[58r,01] ¶ hier beghint die passie ons  
heren also als si ancelmus ghe=  
openbaert wart *van maria die*  
moeder ons heren:  
Ancelmus die heilighe man  
onfer lieuer vrouwen vrient  
badt sijnre vriendinnen der  
moeder gods ons heren ihesu *Christi*  
dat si ghewaerdighe woude  
hem te vertrecken die passie  
haers kints Ten leften dede op  
die maghet horen mont ende  
feide aldus Also groot was die  
passie mijns lieues kints dat se  
niemant vertellen en mach  
fonder pine *end* fonder wtstorten  
van tranen Mer ic ben gheglo=  
rificiert dat ic voertmeer niet  
wenen en mach Daerom sal ic se  
di vertrecken also als si ghefciede  
[58v,01] van sticke te sticken Doe vraech=  
de ancelmus Sech mi alrelied=  
fte vrouwe hoe was dat beghin  
der passien dijns liefs kints Ma=  
ria antwoerde Doe mijn alre(=  
lieffte kint opstont mit finen ion=  
gheren *end* tauontmael ghedaen  
was Doe ghinc iudas scarioth  
totten princen der priesteren die  
ghecoft hadden minen lieuen fo=  
ne om dartich penninghen *End*  
hi gheloueden hem te leueren·

Ancelmus vraghede hoe ghe=  
daen waren die penninghen

Maria antwoerde· Yfmaheliti  
waren fi gheheten metten welken  
yoseph was vercoft daertevoren  
ouer driedufent iaren End elc  
penninc dede dertich penninghen  
dier munten die doe ghinc Iudas  
[59r,01]was also ghierich dat hi niet  
en rufte eer hi mijn lieue kint  
vercoft hadde gheleuert ende  
tgelt ontfaen Nochtan feidet hem  
mijn lieue kint tevoren Mer daer(=  
om en liet hijs niet Ancelmus  
vraghede sech wouwe waerftu  
doe mit dinen kinde end mit finen  
iongheren Maria antwoerde  
weet voerwaer doe mijn lieue  
kint fijn auontmael dede end die  
voeten dwoech fijnre iongheren  
End hi gaf hem fijn lichaem teen=  
re spifen end finen bloet tenen  
drancke End hi hem soetelicke  
predicte van fijnre gothede end  
dat hi van hem fceiden foude  
doe was ic daermede Doe ghinc  
iudas totten bisscoppen· end mijn  
lieue sone ghinc van den berghe  
[59v,01]fyon mit finen iongheren doer een  
poorte die gheheten was natato=  
rium fyloe daerbi was een hof daer  
hi in plach te gaen mit finen ion=  
gheren flapen Doe clam hi op  
totten voete des berchs van oli=  
ueten also verre van finen ion=  
gheren alf men mit enen ftene

werpen mochte *end* badt aldus  
Gehore mi here want goedertie=  
ren is dine ontfarmhertichede  
en keer niet dijn aenschijn van  
dinen lieuen kinde Mer gehore  
mi gheftadelike ftant mijnre zie=  
len bi *end* quijt se van haren vianden  
**Ancelmus vraechde waerom**  
**badt hi aldus** Maria antwoer=  
de om twie faken Deerfte was  
want hi was mit mit alremur=  
wer spife gheuoedt· *end* mitter  
[60r,01]eenre maghet ghefoghet *end* van  
conincs gheflachte gheboren want  
hoe een mensche edelre is van  
naturen so hi meer pinen ghe=  
doecht alf men quetft Dander  
fake was dat hem fine menscheit  
also groten anxt fto<.>te in fijnre  
zielen dat fijn zweet wert ver=  
wandelt ghelijc dropelen van  
blode nederlopende van finen  
lichame· daerom want hi god  
was *end* mensche Van fijnre got=  
heit had hi dat hi voerwifte alle  
dinghen die hi doghen foude  
die bespuwinghe· die ghefelin=  
ghe· dat doorboren der groter  
plomper naghelen *end* der door=  
nencrone die hem maecte twie(=  
*end*tfuentich wonden *End* dat  
hem fijn ghebenedide herte bre=  
ken foude Al ift dat een dief weet  
[60v,01]dat hi fteruen fel nochtans en  
weet hi niet hoe die doot fma=  
ket eer dat feel finen hals doer=

gaet mer mijn alreieffte fone  
voerwifte alle dinc want hi god  
end mensche was end is Die dar=  
de fake was want hi wifte wel  
dat die felle ioden sijns niet en  
fouden ontfarmen Daerom badt  
hi anderwerue aldus Vader oft  
moghelic is foe moet van mi  
ouerliden desen kelc der bitterre  
pine Nochtan en gheschie niet mi=  
nen wille mer die dine Doe open=  
baerde hem een enghel gods hem  
te troefsten end feide tot hem Wes  
gheftadich end ftarke here mijn  
nu fultu des menschen gheflach=  
te al verlossen mit dijnre bittere  
doot hierna stont op mijn lieue  
[61r,01]kint end ghinc tot finen ionghe=  
ren end vant se flapende End hi  
feide tot hem En moechdi mit  
mi niet waken een vre Doe  
hief hi finen oghen op end feide  
Siet hi naket die mi leueren fel  
Doe saghen si alle dat iudas  
quam mit eenre groter scare  
End iudas feide totten ioden Si  
twie sijn also ghelike· *Christus* end  
iacob een sijn iongher Daerom  
sal ic v een teyken gheuen dats  
dien ic cufte dien ist neemt hem  
End iudas ghinc voir end die sca=  
ren volchden nae End iudas  
grueten end feide God gruete  
meyfter End die guede ihesus  
antwoerde harde goedertier=  
lic end feide Vrient waertoe

biftu hier comen Daerna spr<sup>a</sup>c  
ihesus totten scaren der ioden·  
[61v,01]wien foecti End si antwoerden  
ihesum nazarenum Doe feide hi Ic  
bent Doe hi ghefeit had Ic bent  
vielen si achterwaert terneder  
op die aerde Anderwerf vraech=  
de ihesus hem wien foecti Si feiden  
ihesum nazarenum End ic feide v  
Ic bint Of ghi mi foect so laet de=  
fen gaen Op dat die scrifture ver=  
uolt worde Vader van dien die  
du mi hebs ghegheuen en is gheen  
verloren fonder die sone des verlies  
hief Doe trat voert iudas ende  
cuften an finen mont Ihesus spr<sup>a</sup>c  
Iuda mit enen cussen leuerftu  
des menschen sone Doe ftaken  
die felle ioden haren hant an  
hem end bonden hem finen liefli=  
ken handen end finen sconen oghen  
daer die enghelen in begheren  
te bescouwen end perften sijn lijf  
[62r,01]herde vastte Doe dit pieter sach  
trac hi wt sijn zwaert end floech  
enen knecht hiet malchus sijn  
rechter oer of Ancelmus  
vraghede Gheuiel daer enich  
miracle Maria antwoerde Ia et  
Mijn lieue sone hief op dat ore  
des knechts end settet hem weder  
an End hi feide tot pieter Stec  
dijn zwaert in dinen sceide Alle  
die mit zwaerden flaen mit zwaer=  
den fullen si weder vergaen End  
waenftu pieter dat ic niet en

mach bidden minen vader ende  
hi foude mi feynden meer dan twa=  
lef legionen der enghelen *End*  
doe vloeghen alle fijn discipulen  
*end* lieten daer ihesum allene mit=  
ten ioden **Ancelmus** vraghede **Sech**  
**mi vrouwe waerftu mit hem** Ma=  
ria antwoerde **Neen ic lieue vrient**  
[62v,01] **Doe vraechde ancelmus· Waer(=)**  
**om was dat· end du hem soe feer**  
**vtermate mindes** Maria antwoer=  
de **Ten had niet ghehoert dat men**  
ene ioncfrou tot dien tijt van der  
nacht mit mannen had gheuonden  
**Ancelmus vraechde· hoe end in**  
**wat manieren waer waerftu lie=**  
**ue vrouwe mijn** Maria antwoer=  
de **Ic was in den hufe mijnre suster**  
Jans ewangelisten moeder **Ancel(=)**  
**mus vraghede hoe end in wat manie=**  
**ren quamt v te weten datt et mit**  
**uwen lieuen kinde aldus ghefciet**  
**was** Maria antwoerde· hore mi  
lieue vrient ancelm· dat is alte  
ontfarmelic *end* te iammerlic Die  
ionghers mijns liefs kints quamen  
ghelopen of fi verwoedt hadden  
gheweest· haren handen slan bit=  
[63r,01] **terliken wenende end riefen ont=**  
**farmeliken** O alrelieffte vrouwe  
dijn wtuercoren lieue kint onsen  
lieuen meyster is gheuaen **Ende**  
wi en weten niet werwaert hi  
wechgheleedt is **End** fi *leiden en* wech  
al ghebonden· *end* wi en weten  
niet of hi ghedoot is of wat fi on=

fen lieuen lieuen meyster ghedaen  
hebben Ancelmus vraghede. we=  
nedi doe yet alrelieffte moeder  
Maria antwoerde Ia ic en cans  
di niet vertrecken al was dat  
fack dat ic wifte dat hi dat men=  
schelike gheslachte verlossen sou=  
de altemale nochtans om die  
moederlike minne die ic tot  
minen lieuen kinde hadde foe  
ghinc dat zwaert des rouwen  
doer mijn herte *end* doer mine  
ziele daer fyneon had of ghespro=  
[63v,01]ken Ancelmus vraechde Sech mi  
alrelieffte vrouwe· werwaert  
wert hi doe gheleit Maria ant=  
woerde bi den houe van yofaphat  
doer ene poerte die die gouden  
poorte hiet *End* leeden in den  
palaes der scriben *end* der pha=  
rifeen *end* der bisscopen yeghen  
den tempel in annas huys cay=  
phas fweer *End* annas vraech=  
de hem van sijnre leringhe·  
*end* van sijnre iongheren *End*  
ihesus mijn lieue kint antwoer=  
de herde goedertierlic Ic heb  
altoes openbaer der werlt ghe=  
sproken Ic heb altoes in der fy=  
nagoghen gheleert daer alle  
die luden vergadert waren in  
den tempel *End* heymelic en heb  
ic niet ghesprocken wat vraghe=  
dijt mi vraghet denghenen diet  
[64r,01]van mi ghehoort hebben wat  
ic hem ghefeit heb Doe front

op een dienftknecht *end* gaf  
hem een kinnebackflach *end* fei=  
de hoe antwoerdfu onfen here  
den biffcop aldus Mer mijn lie=  
ue kint antwoerde hem als een  
goedertieren lam *end* fachtmoe=  
dich Of ic qualiken ghesproken  
heb fo ghif ghetuuch van *dem* qua=  
de aier of ic wel ghesproken heb  
waerom flaefstu mi dan Doe  
verbonden fi hem finen fconen  
oghen als men doet enen dief  
*End* men pleghets oec niemant  
te doen hi en fi eerft verdoemt  
*End* fi fpotten mit hem alden  
langhen nacht *end* fpoghen hem  
in fijn lieflike aenfichte mit ha=  
ren vulen fpekkel van quader ny=  
dicheit *End* gauen hem fallflaghe  
[64v,01]*end* floghen an fijn houede *end* vra=  
gheden hem Sech *end* raet wie di  
floech· Ian was in dat huys want  
hi was bekent mitten biffcop· *end*  
hi lede pieter mit hem in Doe ghe=  
uiel dat de wachter van der dore  
pieter ~~frae~~ fach *end* fprac hem al=  
dus an Du biste een van den ion=  
gheren dies menfchen *End* hi loch=  
endes drieweruen mit ghezwo=  
ren eede *End* altehant fanc die ha=  
ne *End* ihesus verfach pieter *End*  
pieter ghedochte dier woerden  
die hem criftus ghefeit hadde Eer  
die hane craeyet faltu driewerf  
mijns lochenen *End* pieter wert  
wenende bitterlike fere An=



celmus vraechde Alreieffte vrou=  
we mijn waer waerstu doe dit  
ghesciede Maria antwoerde·

Doe die iongheren vertelden mijns  
[65r,01]liefs kints doghen dat daer ghe=  
fchiet was doe beueden alle mi=  
nen leden *End* doer mijn herte  
ghinc een fwaert Doe ftonde ic  
op *end* liep mit maria magda=  
lena neffens den tempel ende  
hoerde dat ghescal in annas huys  
*End* ic wilde ingaen mer di io=  
den en lieten mi niet ingaen also  
dat ic buten most ftaen Ende ic  
weende bitterlike *end* riep mit  
luder stemme O wach mijn al=  
reieffte kint Wye fel minen  
oghen gheuen licht· minen ho=  
uede water *End* ay mi alredo=  
uichste moeder wie fel minen  
oghen opdoen die fonteynen  
der tranen dat ic mach bewe=  
nen die pijn mijns liefs kints  
*end* mijns enighen zoens Maria  
[65v,01]magdalena liep alom als een  
verwoet wijf *End* sach ten veyn=  
fteren in *end* hoerde die lochenin=  
ghe pieters *End* alle die aderen  
haers lichaems worden beroert  
om den groten ontroeft mijns  
liefs kints daerom dat die prin=  
ce der iongheren also varm ghe(=)  
lochede sijns liefs meysters *End*  
ic feide wat eynde fal di te dele  
vallen· of wat fel dijns werden  
*end* ghesdien lieue kint ihesu *Christe*

Als dese die prince is alle der  
iongheren lochent dat hi di  
niet en kent O ihesu lieue kint  
ic en fel dijns in der ewicheit  
niet lochenen *End* ic ftont doe  
buten vol van rouwe *end* van  
wenen *End* hoerde alle die be=  
fspottinghe *end* die nydighe ver=  
fmade woerden die fi minen  
[66r,01]waerden kinde deden *End* die  
locheninghe pieters *end* alle die  
dinghen die daer alle die nacht  
ghescieden Doe pieter driewerf  
ghelochent had *end* daerom bit=  
terlic gheweent had *End* hi  
buten comen was vant hi ons  
daerbuten ftaende *End* ic feide  
pieter wat doer men daer mit  
ihesu of waer is ihesus mijn lie=  
ue kint *End* pieter riep mit een=  
re weenliker ftemme *end* feide  
wach mi alrelieffte vrouwe  
mijn Dijn lieue kint onfen mey=  
fter wert ghepijnt fonder ont=  
farmherticheit *end* veroordelt  
ter doot *End* doe liep hi *end* ver=  
uaerde hem om die vrese der  
ioden in een fteenrutse die hiet  
gallicantus · dat beduut een  
fanck der hanen *End* hi openbaer=  
[66v,01]de hem niet voor cristus doot  
was an den cruce Ancelmus vra=  
ghede Sech mi alrelieffte vrou=  
we mijn wat deedstu doe Ma=  
ria antwoerde Doe doerghinc  
dat zwaert fyneons mijn zie=

le *end* mijn lijf also dat vier doer(=)  
gaet dat yfer **Ancelmus** vraghe=  
**de wat gheviel hiernaer** Maria  
antwoerde vroech in der morghen(=)  
ftont leiden si mijn lieue kint *van*  
annas huys *End* van dier tijt  
dat hi gheuangen was tot nu  
fo en sach is ics niet Ay hoir an=  
celme lieue vrient laet di ontfar=  
men *end* diet fullen horen lefen  
doe ick en sach liep ic tot hem  
als een lewinne *end* ic scoorde  
minen clederen *End* ic sach dat  
minlike *end* dat bigheerlike aen=  
[67r,01]fichte dat die enghelen bigheren  
te scouwen also bespoghen mitten  
spekele der wre ioden *end* besmit  
mitten slike daer sine mede ghe=  
worpen hadden Doe weende ic  
bitterlic *end* ic seide al wenende  
O mijn alrelieste kint wach  
hoe a ontfarmelic *end* hoe anxtel=  
like lelike biftu nu hertelike lie=  
ue kint hoe biftu nu berecht Ic  
die ne fo dicwile bescouwet had=  
de in sijn minlike aensichte  
Ic woude hem omhelsen ende  
cuffen Mer te mochte mi niet  
ghescien *end* en mochter niet toe(=)  
comen want ic wert ghesfoten  
herwert *end* darwert van den  
fellen ioden *End* dat volc liep  
haer *end* daer recht of men enen  
moerdenaer fouden verdoen  
[67v,01]**Ancelmus** vraghede hadftu  
**doe enighen hope dat hi van dem**

doot foude quite werden Maria  
antwoerde Ia ic Ic wifte harde  
wel dat hi was vol vroedſcap=  
pen *end* herde wel ſprekende·  
End ic hoopte als hi te vonnes  
comen waer dat hi hem ſeluen  
ghequijt foude hebben Mer neen  
hi niet· hi ſtont als een ſaftmoe=  
dich *end* een onderdanich goeder=  
tieren lam *end* hi en dede finen  
mont niet op Der was hi ſo ouer=  
minlic dat ~~h~~ ic hoopte dat ſi  
ſijns ontſarmen fouden Ay mi  
lieue vrient ancelme· daerna  
ouer niet lanc ſach ic dat ſijn  
ſcone aenſchijn beſpoghen was  
alfo dat hi was aen te ſien recht  
of hi lazers gheweest had End  
[68r,01]ſi feiden vele valſcher oircon=  
den van hem als dat hi waer  
een verleider *end* verderwer  
der wet Ten leſten quamen twee  
valſchen oirconden· dene feide  
Deſe menſche feit dat hi macht  
heuet den tempel gods te ver=  
deruen *end* binnen den darden  
daghe weder te maken Doe vra=  
ghede hem cayphas Sech ons  
biftu criftus· Iheſus antwoerde  
Al feid ict v ghi en ghelouets mi  
niet noch ghi en ſoudet mi oec  
niet laten gaen voerwaer ſeg  
ic v Ghi fult noch ſien des men=  
ſchen ſone ter rechter hant gods  
*end* comen vten hemele te oorde=  
len die werlt Doe ſcoerde een

der princen finen clederen *end*  
feide wat behoeuen wi nu meer  
tughen En hoerdi niet wat  
[68v,01]blafphemien hi gode doet wat  
dunct v Doe riepen fi alle hi is  
den doot sculdich Dese woerden  
die sentencie diewelke doerghinc  
mijn lijf *end* mijn ziele Ancel=  
mus vraghede· werwaert wert  
hi doe gheleit alreleeffte vrou=  
we mijn Maria antwoerde totten  
rechter pylatum Doe vraechde  
ancelmus hopedestu yet doe vrou=  
we Maria antwoerde Ia ic herde  
fere Als die scaren der ioden wa=  
ren comen denwelken hi foete=  
lic menichwerf ghepredict  
had *End* hoer zieken gheganft  
had· *end* had se in die woestine ghe=  
uoedt· dies waendic dat sine  
ghequijt fouden hebben van den  
handen der ioden Mer neen fi niet  
[69r,01]Si riepen alle cruuften cruuften  
*End* fi tieden hem dat hi ghefeit  
foude hebben dat men den key=  
fer ghenen thens foude gheuen  
doe vraghede pylatus van finem  
rike *end* feide aldus Du biste co=  
ninc der ioden Doe antwoerde  
ihesus Segftu dat van di seluen  
of hebbent di ander luden ghe=  
feit van mi Doe antwoerde py=  
latus Ic en ben gheen iode Dijn  
volc *end* dinen bisscoppen hebben  
di mi ghegheuen Doe antwoer=  
de ihesus Mijn rike en is niet

van defen werlt waer mijn  
rike van defen werlt minen  
knapen fouden voir mi vechten  
dat ic niet ghebrocht en worde  
ter scandeliker doot Daerom  
feide pylatus Soe bistu een coninc  
[69v,01]dan Doe antwoerde ihesus Du  
segftet want ic bent Ic ben in  
defen werlt gheboren end daer(=  
om ben ic in defen werlt comen  
omdat ic oirconde gheuen fou=  
de van der waerheit End alle die  
van der waerheit sijn horen  
minen stemme Doe vraechde py=  
latus wat is die waerheit Dies  
en berechte hem ihesus niet want  
had hijt hem berecht so foude  
hi sonder twiuel hebben verloft  
gheworden End soe hadde dat  
menschelike gheslachte onuer=  
loft ghebleuen Doe iudas sach  
dat hi wert veroerdelt ter  
doot doe brocht hi die dartich  
penninghen den princen der  
ioden weder end feide Ic heb mif=  
daen dat ic vercoft hebbe ton=  
[70r,01]nofel bloot End hi worp die pen=  
ninghen in den tempel end ghinc  
wech end verhinc hem Doe riep  
pylatus al den raet der princen  
end der papen end die meesterfchap  
des teim volcs end feide tot hem  
Ic en vinde ghene fake des doots  
in hem noch van den faken daer  
ghi ne in ghewroecht hebt End  
die ioden feiden dat hi tfolc mit

fijnre leringhe al had verkeert  
in al tlant der ioden van galilee  
tot hier Doe pylatus hoorde noe=  
men galilee *end* hi van dane was  
Doe fende hine tot herodes *want*  
hi *end* herodes waren vianden  
in defen daghe Doe hem herodes  
fach wert hi feer blide *want* hi  
hadde langhe grote bigheerte  
hadt hem te fien *want* hi hadde veel  
[70v,01]wonders van hem horen *fegghen*  
*End* hi hoopte tekenen van hem  
te fien en vraechde hem vele re=  
dene Ten eerften of hi dieghe=  
ne was dien fijn vader woude  
doen doden *End* of hi dieghene  
waer daer fijn vader vele kin=  
deren om dede doden *End* of hi  
dieghene waer dien den blin=  
den hadde doen fien *End* doden  
verwerde van der doot *End* vele  
ander tekene· *end* belouede hem  
dat hi hem quijt foude houden  
van den handen der ioden In  
dien dat hi een teyken voor hem  
woude doen *End* ihesus antwoer=  
de hem niet *End* herodes fette  
hem een doornenchrone op fijn  
hoeft *end* belouede hem dat hi  
hem deelachitch foude maken  
[71r,01]an finen rike woude hi een tey=  
ken doen Doe stonden die prin=  
cen der papen *end* wroechde ihe=  
fum herde fere Ancelmus  
vraechde Sech mi foete vrouwe  
wat hopedeftu doe Maria ant=

woerde Ic wifte wel dat hero=  
des bi rechter gheboerniffe co=  
ninc was ghecoren *End* daerom  
hopede ic dat hi den eerften co=  
ninc mine zone ghespaert fou=  
de hebben Mer <.> neen hi v *erfma*=  
den *end* dede hem an een wit cle=  
de als een fot *end* fenden weder  
tot *pylatum* *End* herodes *end* *py*=  
*latus* worden ghevrienden *van*  
dien daghe voortan *End* *pyla*=  
*tus* wifte wel die quaetheit *end*  
die felheit van den ioden die fi  
hadden van der doot mijns  
[71v,01]liefs kints *End* fende knapen ye=  
ghen die beletten fouden dat fi  
hem in den wech niet doden en  
fouden Doe mijn lieue zone we=  
derquam doe riep *pylatus* al den  
raet der ioden tegader *end* feide  
Ghi hebt mi defen mensche ghe=  
leuert ouer enen verkerer des  
volcs *End* ic en vinde ghenen fa=  
ke der doot in hem noch oec he=  
rodes fiet ic fallen castien *end*  
laten dan gaen *End* tis v recht  
dat ic v enen gheuanghen late  
gaen Doe riepen fi alle· neen neen·  
wi willen barrabam *End* die bar=  
rabas was gheuaen van eenre  
manflacht *End* *pylatus* feide·  
anderwerf· wat heuet hi quaets  
ghedaen Ic en vinde ghenen fa=  
ke des doots in hem Doe fton=  
[72r,01]den fi *end* riepen mit luder ftemme  
Cruuften· cruuften *pylatus* ghinc



fitten op ten dingftole· *end* *fijn* wijf  
fende tot hem *end* dede hem *fegghen*·  
dat hi niet ghemeens en hadde  
van dien gherechten man Ic  
hebbe vele ghepijnt gheweef  
in deser nacht om *finen* wille  
Mer pylatus hoopte dat hi die  
wreetheit der ioden ghenoech  
foude doen *End* nam *ihesum* ende  
gaffen den knechten *End* die knech=  
ten namen *ihesum* *end* bonden an  
een *columpne* *end* floeghen *minen*  
lieuen *fone* mit ghefelen *alfoe*  
dat van *finen* *scedel* tot *finen*  
voeten in hem niet gheheel  
en bleef ten was al *doerghefle*=  
ghen mitten knopen der ghe=  
felen Ay hoir lieue vrient *ancel*=  
[72v,01]*end* laet di dit ontfarmen Die *co*=  
*lumpne* was *fo* groot *end* *fo* dicke  
dat bi twien *fpannen* dene hant  
der ander niet gheraken en *moch*=  
te *alfo* dat *fi* namen *starke* *coer*=  
den *end* bonden hem beide *finen*  
handen an die *columpne* **Anselmus**  
**vraechde** **Alrelieffte** vrouwe  
**mijn en hopedeftu niet doe** Maria  
antwoerde Ia ic *ancelme* lieue  
vrient herde *fere* Om dier *faken*  
wil die ic di openbaren *fel* Om  
die *ouerfuerliche*de *fijnre* *fcoon*=  
heden *End* der *preciofer* ghenoech=  
lichede *fijns* *ouerfconen* *proper*  
lichaems Daerom *hopede* ic als  
*fi* hem *naect* *ontcleedt* hadden  
*end* *finen* *fconen* lichaem ghefien

hadden dat fi dan der fcoonre  
leden fouden hebben ontfarmt  
[73r,01]Mer wach ancelme lieue vrient  
daernae niet langhe fach ic dat  
die langhe *end* die brede van fi=  
nen lichame alfo was ouercoten  
*end* befprenghet mitten bloede  
recht of hi purper anhad ghe=  
hadt *End* om das ouerloeyen=  
de bloot fijns lichaems· *end* om  
die yfelike ontvoeghinge fijn=  
re ghebenedider leden die hem  
mitten ghefelen al doerfleghen  
waren fo was hi an te sien ghe=  
liken enen lazerfchen man daer  
men ghene menfcheit an ghe=  
merken en can Doe namen die  
ridders een doornencrone *end*  
fetten fe op fijn hoofd *End* cleden  
mit enen purpuren clede *end*  
gauen hem een riet in fine hant  
*end* feiden tot hem God gruet v  
[73v,01]coninc der ioden *end* floghen an  
finen ghebenediden kinnebac=  
ken *end* in finen foeten hals foe  
dat mijn lieue kint mofte nicken  
totter aerde Dese crone en was  
niet van rechten doorne mer  
fi was vinto· dat vele meerre  
was *end* fcarper tacken heuet  
dan doorne Defen crone namen  
fi en fetten fe hem op fijn houet  
dat hem dbloot liep vloeyende  
al ouer *end* ouer fijn lieflic bloey=  
ende aenschijn van dien twien(=  
*end*tfeuentich wonden die hem

die crone maecte in fijn houet  
End aldus iammerlic mismaect  
leede pylatus mijn lieue kint  
daerbuten end feide Siet hier  
uwen coninc Recht of hi fegghen  
woude Siet hier den liefliken  
[74r,01]fconen man· die fcone end lieflic  
was te fien den enghelen ende  
den luden Siet hoe ontfarmelic  
end hoe yfelic hi ftaet belopen  
mitten bloede end doergaen mit  
allen rouwe Ift v noch niet ghe=  
noech quade felle ioden End die  
ioden riepen ftarkelike· doeten  
wech· doeten wech Cruuften cruuf=  
ten Doe feide pylatus Nemet  
ghi hem end cruuften Si antwoer=  
den hem wi hebben enen wet  
end na onfen wet fal hi fteruen  
want hi feit dat hi die godsfone  
is Doe pylatus hoerde defe re=  
dene ontfach hi hem meer end  
ghinc int dinghuys end fprac  
anderwerf tot ihesum Waen biftu  
End ihesus antwoerde hem niet  
Doe feide pylatus· du en antwoer=  
[74v,01]des mi niet En weetftu niet dat  
ic macht heb di te crucen end  
macht heb di te laten gaen Doe  
antwoerde ihesus goedertierli=  
ke Du en haddes ghenen macht  
op mi waer fe di niet van bouen  
ghegheuen Daerom heeft hi  
die merer fonde die mi heuet  
gheleuert End voortan fochte py=  
latus hoe hi en mochte laten gaen

End die ioden feiden laetftu defen  
gaen foe en biftu niet des keyfers  
vrient Doe pylatus fach dat hi  
niet en befloet mer altoes merer  
gherucht onder die ioden wert  
Doe nam een vat end water daer(=  
in end dwoech finen handen ende  
feide Ic ben ontfculdich des ghe=  
rechts bloddes ghi fiet wel End  
alle dat tvolc antwoerde fijn  
bloet fi op ons end op onfen kin=  
[75r,01]deren Doe riepen die ioden mit  
groter ftemmen dat men crucen  
fouden end dat fi barrabam heb=  
ben wilden die om finen quaet=  
heit in den kerker gheleit was  
End om die grote eenparighe ge=  
roep dat fi riepen om finen doot  
fo brochte pylatus voert die fen=  
tencie fijnre doot yeghen minen  
lieuen fone ihesum End pylatus  
feide aldus Ihesum nazarenum oor=  
dele ic van den leuene totter fcan=  
deliken doot des crucen An=  
celmus vrachde Wat deedftu  
doe alrelieffte vrouwe maria  
doe du dit hoerdes van pylato  
Maria antwoerde Dese woerden  
die brochten fentencie der doot  
mijns lieues kints End doe doer=  
ghinc mijn herte end mijn ziele  
dat zwaert fyneons Ancelmus  
[75v,01]vraechde O fuete maria wat  
ghefciede hiernae Maria ant=  
woerde Daerna namen fi ihe=  
fum minen lieuen fone Als iohan

fcriuet en leiden daer fi hem cru=  
cen fouden *End* leiden op finen  
fcouderen den groten bome des  
cruces *end* dwonghen daertoe  
dat hi lopen moſte *End* telken  
voetſtap ſtorte ſijn bloet op die  
aerde van den wonden die hi  
ontfanghen had *End* dat cruce  
was foe groot *end* was vijftien  
voeten lanc *End* mijn lieue kint  
was alfo cranck worden van  
lopen *end* van der pinen *end* van  
den groten flaghen die hi ont=  
fanghen hadde an den columpne  
*End* oec had hi dartich iaer *in* pi=  
nen *end* in armoede gheweest  
alfo dat hi terneder viel ende  
[76r,01]en condet niet ghedraghen Doe  
namen fi enen man <.> die ſymon  
hiet *end* leiden hem dat cruce op  
finen ſcouderen *end* dedent hem  
nae ihesum draghen Dit en deden  
fi niet om enighe ontfarmher=  
tichede mer om ſine cranchede  
dat hijs niet draghen en moch=  
te Ancelmus vraghede Vol=  
ghede hem yemant doe men  
wtwaert leide Maria antwoer=  
de Alle die ſcaren des volcs lie=  
pen of men enen dief of enen  
moerdenaer fouden hebben ver=  
hanghen· Alfo lucas beſcriuet  
hem volghede ene grote ſcare  
des volcs *end* wiuen die riepen *end*  
weenden bitterlike hem vol=  
gheden oec fommighe die hem

worpen mit flike *end* mit ftenen  
Doe keerde hi hem omme ten  
[76v,01]wiuen *end* feide tot hem Ghi doch=  
teren van iherufalem en wenet  
niet op mi mer op v feluen *end* op  
v kinderen dieghene die mi mit  
flike *end* mit ftenen werpen fi en  
weten niet wat fi doen want fiet  
die daghen fullen comen in den(=  
welken fi fullen fegghen Salich  
fijn die ondrachtighe *end* die bor=  
ften die nye en fogheden Ende  
dan fellen fi fegghen totten ber=  
ghen Ghi berghen valt op ons  
*end* ghi houelen bedect ons Of fi  
dit doen in enen gronen houte·  
dats in mi· wat fullen fi doen in  
enen droghen· dats in minen fanc=  
ten Doe fi ne wechleiden doe lei=  
den fi mit hem twie quade luden  
omdat fine fcande te mere waer  
Doe men mijn lieue kint vter  
[77r,01]poerte leden van der ftat doe  
pijnd ic mi om hem te fien mer  
om die grote menichte des volcs  
die ter fcandelijker doot mijns  
liefs kints quamen *End* omdat  
lopen *end* dat dringhen dat fi  
dronghen harwert *end* darwert  
fo en mocht icker niet toe comen  
Mar daernae doe maria mag=  
dalene vten ghedrom van den  
volke quam *End* wi tegader  
quamen in enen ftrate doe lie=  
pen wi neuen eenre fonteynen  
als twie verwoede wiuen om(=)

dat wi hem ghemoeten fouden  
end doe faghen wi hem onghe=  
fcepē na enen menfche v *eruolt*  
mit allen rouwe Doe neech hi  
fijn hoeft tot mi end feide Ach moe=  
der Recht of hi fegghen woude  
[77v,01]wtuercoren lieue moeder ic feg  
di lof end danc om dine menich=  
uoudighe guede die mi van di  
fijn comen End om die grote ar=  
moede die du om minen wille he=  
ues gedraghen Want fulke ar=  
moede en doghede nye creature  
om minen wille noch nemmer=  
meer en fal End om die voedinghe  
dattu gheuoedes hebs den tem=  
pel mijns lichaems End du mi  
fiefte in defer groter fcande end  
verfmaethede die ic heb an allen  
luden Al is dat fake dat ic ver=  
fmaet ben van allen creaturen  
nochtan en veronwaerdfstu mi  
niet te volghen in defer groter  
fcande Doe fi quamen ter ftede  
die men hiet caluarie daer cruuf=  
ten fi hem· end twee moerdenaers  
[78r,01]mit hem· den enen ter rechter=  
hant· den anderen ter luchterhant  
Anselmus vraechde wat deden  
fi mit hem Maria antwoerde· doe  
fi quamen ter verfmadeliker  
fede te caluarien daer men hon=  
den end ander dode beefden plach  
te villen Doe namen fi minen lie=  
uen fone ihesum end deden hem alle  
finen clederen wt Doe werde ic

al wt minen finnen nochtant  
[n]am ic thoofcleet van minen  
hoofde *end* bantet om finen len=  
den hierna naghelden fine an  
den cruce Ancelmus vraghe=  
de Sech mi alreliëffte moeder  
wat deden si hem voort Maria  
antwoerde· dattu nu horen fuls  
lieue vrient ancelme dat is alte  
ontfarmelic Die gaten des cruces  
en waren niet gheboert te pun=  
[78v,01]te naden armen mijns liefs kints  
End dit en scrijft ghien der ewan=  
geliften Si namen ftarke coorden  
*end* toghen die liefliken armen  
wt naden gaten des cruces *end*  
oec finen liefliken voeten End  
die plompe naghelen die si hem  
floghen doer finen handen *end*  
voeten die waren alfo groot dat  
fijn ghebenedide bloet niet co=  
men en mochte vten wonden fij<sup>n</sup>=  
re handen *end* fij<sup>n</sup>re voeten alfo  
fere worden die wonden veruolt  
mitten naghelen End alfo ftijf  
was hi gherect dat men allen  
finen benen tellen mocht om finen  
lichaem Alfo dat dauids woert  
veruolt wert dat hi feit in den  
fouter Si hebben ghetelt alle mi=  
ne leden Doe wert oec veruolt  
dauids prophecie die hi feit in den  
[79r,01]fouter hoor dochter *end* zie Recht  
of hi fegghen woude mijn lieue  
kint *end* mijn lieue moeder hoor  
die haefheit mijns gheluuts *end*



mijnre stemmen *End* sie hoe mijn  
handen *end* voeten doorgheboert  
sijn mit plompen naghelen Ic  
heb minen handen wtgherect  
*end* ghegheuen doertelaen *End*  
den enen voet op ten anderen  
gheset mit naghelen doersla=  
ghen Omdat ic toghen woude  
f<.>t doet mit mi uwen wille  
Ic ben bereit omdat ic den men=  
schen verfoenen wille *End* nye=  
mant ontfermet mijns dan  
du wtuercoren moeder Doe ic  
dit hoerde *end* sach doe ghinc  
dat zwaert fyneons doer mijn  
herte *end* doer mijn ziele hiernae  
rechten si hem op mit groter  
[79v,01]pine *End* hi was soe hoghe ghehan=  
ghen dat si tot sinen voeten niet  
raken en conden hoor anelme  
dat alte weenlic is h doe hi mit sijn  
cruce opgheheuen was en tie  
grote bome in die aerde was  
gheset Doe worden alle die won=  
den ghescoert *end* van nuwes  
ondaen die hi an die columpne  
*end* an den cruce had ontfaen *End*  
doe alre eerft woet dat bloet  
wt sinen handen *end* voeten daer  
die plompe naghelen doerghin=  
ghen *End* ic hadde an een heemde  
dat vrouwen die van conincs  
gheslachte waren plaghen te dra=  
ghen *end* te hebben *End* het bedec=  
kede thoest *end* al den lichame  
mede *End* dat cleet was al bespren=

ghet *end* belopen mitten bloede  
also als ic onder dat cruce ffont  
[80r,01]doe men oprechte *end* sijn bloet  
op mi droep Ancelmus vra=  
ghede Sech mi alrelieste vrou=  
we moeder maria wat deden  
fi hierna Maria antwoerde·  
Doe fi ghecruet hadden minen  
lieuen sone ihesum doe deelden  
fi finen clederen *End* op ten on=  
ghenaeyden rock worpen fi lot  
Op dat veruolt worde dat die  
propheet seit Si hebben minen  
clederen ghedelt *end* op mijn  
cleet worpen fi lot *End* pylatus  
screef bouen finen houede In  
griexe· hebreufche· *end* in lati=  
ne Ihesus van nazareth coninc  
der ioden *End* die quade felle  
ioden feiden *End* scriuet niet co=  
ninc der ioden Mer dat hi feide  
Ic ben coninc der ioden Doe ant(=  
[80v,01]woerde pylatus Dat ic screef dat  
is ghescreuen Ancelmus vra=  
ghede Segghe mi lieue vrouwe  
wat deden fi voort mit hem Ma=  
ria antwoerde Noch en lieten sijn  
niet mit ghemake Si scudden  
haer hoefden op hem daer hi ffont  
ghenaghelt an den cruce *End* spra=  
ken hem lafter *end* feiden vach die  
verderues den tempel gods *end*  
ten darden daghe fuls wederma=  
ken behou<t> di seluen oft gods  
soen biste *end* ganc van den cruce  
Dierghelijc deden oec die prin=

cen der ioden mitten scriben *end*  
mitten ouderen des volcs *end* fei=  
den Ander luden maket hi ghefont  
hem feluen en can hi niet ghefont  
maken of ghehelpen Of du coninc  
van ifrahel bifte so ganc van den  
[81r,01]cruce wi fullen an di ghelouen  
Gheloue an gode hi fel di quiten  
of hi wil· want du segghes dattu  
bifte die godsone Ancelmus  
vraghede wat antwoerde dijn  
lieue kint hierto Maria feide  
hi antwoerde *end* sprac Vader  
verghif hem si en weten niet  
wat si doen Dat volc stont an  
beiden siden *end* bespotten Doe  
mochte die lieue ihesus segghen  
tot sijnre moeder hore dochter  
*end* sie den rouwe dijns liefs kints  
hore dochter die stemme mijnre  
scande *end* mijnre blasphemien  
want du wetes wel dattu mi van  
den heilighen gheeft heues ont=  
faen *end* dattu mi maghet ter  
werlt brochtes al ist dat desen  
niet ghelouen in mi want ic die  
godssoen ben *end* een mitten va=  
[81v,01]der van hemelrijck Doe ghinc  
dat zwaert des rouwen doer  
mijn herte Doe dit hoerde die  
dief die ter luchter hant hinc  
doe bespotte hi cristum *end* feide  
Oftu cristus bifte *end* coninc be=  
hout difeluen *end* ons Doe ant=  
woerde die dief ter rechter hant  
*end* scout finen ghefelle *end* feide

Du en ontfieftede gode niet· want  
wi hebben dat lone van onsen  
wer<k>en ontfaen *end* dese en he=  
uet niet quaets ghedaen Ende  
hi sprac tot ihesum Ghedenc mijns  
alftu comes in dijn rike Ende  
ihesus antwoerde *end* seide hem  
Ic segghe di ouerwaer du ful=  
te noch huden mit mi sijn int  
paradijs Anselmus vraech=  
de wat deedstu daer maria· Ma=  
[82r,01]ria antwoerde Ic stont onder  
den cruce vol van rouwen *end*  
van groten wee *End* mit mi stont  
mijnre suster kint *end* maria  
magdalene *End* doe hi mi sach  
*end* finen iongher dien hi minde  
doe seide hi wijf sich hier dijn  
kint wat ontfarmeliker senten=  
ci was dat Daerna seide hi tot  
ian Sich hier dijnre moeder Ian  
lieue vrient Ic moet cort steruen  
nem se voert an in hoeden ende  
dit was recht te middaghe *End*  
her was grote duyfterhede ouer  
al aertrike totter none *End* hier(=)  
nae riep ihesus mit luder stemme  
God god waerom hebstu mi  
ghelaten Sulke van den ioden  
seiden Dese roept helyam laet  
sien sel helyas comen *end* hem  
verloffen Daerna riep hi mit  
[82v,01]luder stemme Mi dorft Doe namen  
si een vat *end* deden daerin azijn  
ghemenghet mit galle *end* bodent  
hem te drincken Dat deden si om(=)

dat hi te eer fteruen foude Doe  
hi den dranc had ghesmaect doe  
feide hi Tis al volbrocht *End* hier(=)  
nae feide hi Vader in dinen han=  
den beuele ic minen gheeft *End*  
ghedochte hem segghende tot sijn=  
re moeder Sich moeder die die=  
ren he<b>ben hoer holen *end* die vo=  
ghelen hebben hoer neften Mer  
dijn kint en heuet niet daert  
finen hoeft an mach ruften *End*  
daernae liet hi finen hoofd nighen  
op sine borst *end* gaf finen gheeft  
Doe scoerde die gordine des tem=  
pels in drie stucken *End* die aer=  
de wert beuende *end* die stenen  
cloueden· die fonne liet haer  
[83r,01]schinen Die doden stonden op *end*  
ghinghen vten graue *End* na sijn  
verrisfernis quamen si in die heili=  
ghe stede van iherusalem *end*  
openbaerde hem vele luden  
Centurio *end* die mit hem hue=  
den ihesum Doe si saghen die aer=  
de beuen *end* ander dinghen die  
daer gheschieden doe veruaer=  
den si hem sere *End* centurio ghe=  
benedide gode *end* feide waerlic  
dit was die godsone Siet hoe  
alle elementen mit hem doghen  
Mer allene die verfteende ioden  
*end* ontfermen sijns niet *End* die  
wiuen die hem gheuolghet wa=  
ren van galilee stonden van ver=  
ren *end* saghen dit *end* weende  
sere Ancelmus vraghede·

Sech mi alreliëffte vrouwe en  
hadde dijn rouwe doe noch gheen  
[83v,01]eynde Maria antwoerde Neen

ancelme· want die laefte pro=  
phecie en was noch niet veruolt  
End doer dine ziele fal gaen een  
fwaert hore ancelme dat alte  
weenlic is het was die grote  
faterdach der ioden foe dat daer  
nyemant mochte bliuen hanghen=  
de Doe ghinghen fi *end* braken  
den dieuen haren benen ende  
deden fe of van der galghen Mer  
doe fi quamen tot ihesum minen  
lieuen fone *end* fi faghen dat hi  
doot was doe en braken fi *finen*  
benen niet Mer daer quam een  
blint ridder gheheten longinus  
*end* bat dat men hem gheuen fou=  
den een groet spere *end* dat men  
hem fetten foude in die fide mijns  
liefs kints opdat hi dat herte  
[84r,01]gheraken mochte Doe nam dat  
spere *end* ftac therte mijns lieues  
kints midden ontwie datter bloet  
*end* water wtquam lopen neffens  
den spere neder End hi bestreec  
*finen* oghen daermede *end* thants  
wert hi fiende End doe ic fach dat  
hi fulke felhede an enen doden  
menfche deden Doe werde ic al=  
temale wt minen *finen* *end*  
doe wert waerlike veruolt die  
prophecie die feit End doer dine  
ziele fal gaen dat zwaert des  
rouwen End doe ghebraken mi

der tranen alfo vele had ic ghe=  
weent des nachts die leden was  
end des daghes End ic feide alre(=  
lieffte fone mijn den troeft dien  
ic altoes hebt ~~gheda~~ gehad  
in di wie fal mi nv gheuen dat  
ic fteruen mach mit di ihesus  
[84v,01]lieue fone mijn Mit defen foe be(=  
weend ic die doot mijns liefs  
kints Ancelmus vraghede· Seg  
mi maria wat was hierna ghe=  
daen Maria antwoerde hierna  
ghinc ioseph end nycodemus end  
baden pylatum dat hi hem gaue  
den lichame ihesu crifti End onder  
dander redenen die hi feide fo fei=  
den pylatus· Ten fi dattu ons ghe=  
ues den lichame wi fullen defe  
vrouwe maria verliefen fijnre  
moeder want fi heuet fo groten  
rouwe als doe fi hem fâch ghe=  
fele<n>· befpuwen. end hanghen an  
den cruce end fijn herte ontwee  
fteken finen aderen scoren ende  
finen oghen vergaen Dit heuet  
fi al in horen herte befloten hier(=  
om heuet fi fo groten rouwe  
dat fe nyemant anfen en can  
[85r,01]hi en moet mit haer doghen·  
Doe vraghede pylatus of hi doot  
waer end hi ondervant van cen=  
turio alle die dinghen die hem  
gheuallen waren Doe gheboet  
hi hem te gheuen den lichaem ihe=  
fu alfo ghi nv fult horen fegghen  
Ancelme lieue vrient dat laet di

ontfarmen *end* allen denghenen  
diet *y*mmmermeer fullen horen lefen  
Doe yoseph den lichame of sou=  
de doen doe ffont ic *end* sach op=  
waert *wanneer* hi ontnaghelt  
waer dat ick en cussen *end* helpen  
soude also ic dede *End* h doe hi  
van den cruce was ghedaen *end*  
op die aerde lach doe nam ic  
fijn hoeft in minen scoet *end* be=  
gonde te wenen *end* riep mit lu=  
der stemme *Ay* alreliëfste sone  
[85v,01]mijn wat troeft heb ic *nv* ic die  
di doot sie legghen voir mi Doe  
viel Ian ewangelifte op sijnre  
borst *end* weende fere ende feide  
wach here *end* meyster lieue ne=  
ue· ghifter dranc ic wt desen bor=  
fte soeten hemelschen drancke  
ende huden weenliken rouwe  
*want* si is al doergaet *end* bebloot  
Daerna quam pieter *end* viel op  
hem *end* weende bitterlike dat  
hi sijns meysters had ghelochent  
Doe quam maria magdalene  
die bouen al drouede om haren  
lieuen here *end* wranck haren  
handen *end* riep mit luder stemme  
Wye fal mi *nv* minen fonden ver(=  
gheuen· *end* wie fal mi *nv* ontscul=  
dighen yeghen symon ende ye=  
ghen mijnre suster Doe quam  
[86r,01]oec iacob die ghenoeemt was bro=  
der mijns liefs kints *want* hi  
was hem alreghelijcste ende  
sprac mit groten tranen Wach



here *end* meyster des daghes  
die gheleden is foe was mi dit  
minlike aenfichte alreghelijc=  
fte· Nu fijn dinen handen *end* voe=  
ten doernaghelt mit plompen  
naghelen van dinen scedel tot=  
ten hole van dinen voeten fo en  
<i>s niet gheheels in die ten is al  
ghequetft *end* doerfleghen ende  
mijn lichaem is al gheheel in al=  
len steden *End* hi fwoer dat hi  
eten noch drincken en foude eer  
hi verrefen waer van der doot  
*end* hi van hem vertroeft waer  
Doe quamen alle dander apof=  
tolen lopen ende weenden fere  
[86v,01]Doe vertoghede mi mijn lieue kint  
*end* finen iongheren *end* glorifi=  
cierde hem voer ons also dat  
ghene quetsinghe noch wonde  
en openbaerde an finen liue dan  
allene die vijf wonden die hi  
houden sel ten ionxten daghe·  
Ende also clare openbaerde hi  
hem recht of hi niet ghequetfet  
en had gheweest Daer ic ende  
alle die iongheren groten troeft  
of intfinghen Ende doe fi hem  
grauen wouden hilde ic den lich=  
ame vaft mit groten wee *end* ic  
en liets niet grauen *End* ic feide  
alrelieffte neue ian laet mi mi=  
nen doden sone die ic niet en moch=  
te houden leuende Ist moghelick  
grauet mi mit hem ian anderwerue  
[87r,01]dat des menschen gheslachte al=

fo moft verloft fijn *end* anders  
niet Ten leften liet icken mi ne=  
men· *end* doe hi int graf gheleit  
was doe woude ick er mit hem  
ingaen *End* van den iammerre  
dien ic had foe weenden fi alle  
diet faghen *End* doe mi ian wou=  
de van den graue nemen ende  
ter ftat wert leiden doe riep ic  
ontfermelic Alrelieffte ian du  
doefte mi groot onrecht dattu  
mi fceides van minen lieuen  
fone *want* ic wil hier bliuen tot  
dat ic fterue Doe weenden fi  
alle· *end* doe greep mi ian mijn  
ondankens *end* leide mi in die  
ftat *Ende* doe die luden van  
iherufalem mi faghen dat mijn  
clederen al befprenghet waren  
mitten blode alfo ic onder den  
[87v,01]cruce ftont *end* dat bloet op mi  
droep Doe weende fi alle *end* rie=  
pen O wat groter onrecht is hu=  
den gefchiet in iherufalem an  
defe fcone vrouwe *end* an haren  
lieuen fone *end* fi waren droue·  
Doe ghinghen die ioden bi ny=  
dicheden *end* floten yofeph bin=  
nen eenre mure omdat hi ihefum  
minen lieuen fone had ghegrauen  
Doe ghinc yofeph's wijf *end* wife=  
de haren fone die ftede Daerna  
ouer viertich iaren quamen titus  
*end* vefpafianus in iherufalem *end*  
verdoruē die ftat *End* alfo die  
ioden ihefum coften om dartich

penninghen· alfo gauen fi dar=  
tich ioden om enen penninck·  
Dese paffie is wt· criftus ende  
fine lieue moeder maria moeten  
eweliken fijn ghebenedijt Amen  
[88r,01]Nv moet god hem allen ghe=  
uen die defe paffie fcriuen  
of doen fcriuen· lefen of horen  
lefen dat doghen der menfcheit  
ihesu crifti *end* dat medeliden fijn=  
re lieuer moeder innichlic ende  
mit bitteren bigheerten in horen  
harte altoes te draghen op dat  
die hemelfche vader ten ionxten  
daghe moet fegghen Coemt *minen*  
lieuen vrienden tot mi die dat  
doghen mijns lijfs in uwer her=  
t<en> hebt ghedraghen Ic wil v  
die drievoudichede daerom  
te befitten gheuen ewelick *End*  
wil v lonen van minen doghen  
recht of ghijt altemael om *minen*  
wille had gheleden *End* aldus wil  
Ic allen luden lonen mit mi feluen  
dient draghen mit ynnicheden  
hoert wat onfen here fegghet  
[88v,01]Soe wie om minen doghen peyn=  
fet ic fal fine forghe draghen  
buten *end* binnen *end* in allen finen  
noden Die om mi peynft dat hi  
hi mi bidt ic falt hem eer doen  
dan of mi twalef gherechte lu=  
den baden Die om minen doghen  
peynft hi en ghecrichtet nym=  
mermeer alfo bitteren doot als  
een ander noch alfo groten ve=

gheuier *End* fo wie op minen do=  
ghen peynft mit naerfte op  
dien dach en mach hi niet in  
hooffonden vallen *End* ic fel  
hem van elke ghepeynfe loon  
gheuen *End* tot dien menfche  
is mi alfo wel ſprect die vader  
in der gothede als mi was tot  
minen ſone *ihēfum criftum* doe hi  
an den cruce hinc *End* dien men=  
fche fel ic gheuen den ſeluen lone  
[89r,01]dien gheens menfchen herte ghe=  
peynfen en can· noch oghen ghe=  
fien· noch oren gehoren· noch  
mont gheſpreken